

CYNGOR SIR YNYS MÔN

CYFARFOD:	CYNGOR SIR
DYDDIAD:	12 MAI 2016
TEITL YR ADRODDIAD:	Pwyllgor Gwasanaethau Democrataidd – Adroddiad Blynyddol 2015/16
ADRODDIAD GAN:	Cadeirydd y Gwasanaethau Democrataidd
PWRPAS YR ADRODDIAD:	Adrodd ar waith y Pwyllgor yn ystod 2015/16

1) Rhagarweiniad

Rhydd Mesur Llywodraeth Leol (Cymru) 2011 ddyletswydd ar y Cyngor i sefydlu Pwyllgor Gwasanaethau Democrataidd a gefnogir gan y Pennaeth Gwasanaethau Democrataidd.

Prif bwrpas y Pwyllgor yw adolygu digonolrwydd y ddarpariaeth yn yr Awdurdod o ran staff, swyddfeydd ac adnoddau eraill er mwyn cyflawni dyletswyddau a swyddogaethau Gwasanaethau Democrataidd. Dan y Mesur, rhaid i'r Pwyllgor gyfarfod o leiaf unwaith y flwyddyn i adrodd ar faterion o'r fath i'r Cyngor.

Dyma'r pedwerydd adroddiad blynyddol y mae'r Pwyllgor wedi ei ddarparu ers ei sefydlu yn 2012.

2) Rhaglen Waith y Pwyllgor

Mae'r adroddiad hwn yn crynhoi'r materion a drafodwyd gan y Pwyllgor yn ystod 2015/16 a cheir ynddo hefyd sylwadau ar y statws cyfredol.

Yn gyffredinol, canolbwyntiodd y Pwyllgor ar y meysydd canlynol:

- Datblygu Aelodau a Chynlluniau Hyfforddiant
- Gweddarlledu cyfarfodydd a gwefannau Cyngorau Tref a Chymuned
- Adroddiadau Blynyddol yr Aelodau
- Adroddiad Blynyddol y Panel Annibynnol ar Gydabyddiaeth Ariannol

Yn y tabl isod, ceir crynodeb o'r materion a drafodwyd ym mhob cyfarfod yn ystod y flwyddyn ddiwethaf.

Dyddiad y Pwyllgor	Pwnc	Statws Cyfredol
30/09/2015	Gwe-ddarlledu cyfarfodydd	<p>Darparwyd gwybodaeth yn yr adroddiad hwn er mwyn diweddarau Aelodau ar y cynllun peilot. Darparwyd hefyd ystadegau ar y niferoedd sydd wedi ymweld â gwefan y Cyngor - dilyn cyfarfodydd yn fyw a hefyd cyfarfodydd sydd wedi eu harchifo. Roedd yr adroddiad hefyd yn gofyn am sylwadau'r Pwyllgor ynghylch parhau i we ddarlledu yn y dyfodol gan fod y cynllun peilot i fod i ddod i ben Mawrth 2017. Penderfynodd y Pwyllgor gefnogi parhau i we-ddarlledu pwyllgorau sydd yn rhan o'r cynllun peilot yn y dyfodol.</p> <p>Bellach gwnaed penderfyniad gweithredol gan y deilyddion portffolio perthnasol i barhau gwe-ddarlledu cyfarfodydd tan Fawrth 2017.</p> <p>Bydd adroddiad cynnydd yn cael ei gyflwyno i'r Pwyllgor yn ystod 2016/17. Bydd angen ystyried materion cyllidol yn y dyfodol wrth baratoi'r gyllideb ar gyfer 2017/18.</p>
	Adroddiadau Blynyddol Aelodau	<p>Roedd yr adroddiad hwn yn canolbwyntio ar drefniadau Aelodau i baratoi Adroddiad Blynyddol ar gyfer 2015/16 gan nodi bod holl Aelodau wedi paratoi adroddiadau ar gyfer 2014/15 a chyhoeddwyd gwybodaeth ar wefan y Cyngor erbyn 30 Mehefin, 2014.</p> <p>Mae'r dasg o baratoi adroddiadau blynyddol ar gyfer y flwyddyn ariannol ddiwethaf ar y gweill a'r bwriad fydd cynnwys gwybodaeth ar wefan y Cyngor erbyn 30 Mehefin, 2016.</p>
	Sicrhau Democratiaeth Amrywiol	<p>Darparwyd adroddiad cynnydd i'r Pwyllgor yn dilyn adroddiad tebyg i'r Pwyllgor ar 18fed Mehefin, 2014 o safbwynt argymhellion y grŵp arbenigol ar amrywiaeth mewn Llywodraeth Leol a sefydlwyd gan Lywodraeth Cymru i wella amrywiaeth mewn Llywodraeth Leol yn yr etholiadau lleol yn 2017.</p> <p>Nodwyd fod y Cynghorydd Carwyn Jones yn gweithredu fel Eiriolydd Amrywiaeth ac yn rhan o rwydwaith Gogledd Cymru a sefydlwyd i gefnogi gwaith y grŵp</p>

		<p>arbenigol.</p> <p>Wrth baratoi ar gyfer etholiadau lleol 2017 bydd gwybodaeth benodol gan y grŵp arbenigol yn cael ei gynnwys ar wefan y Cyngor yn ddiweddarach eleni.</p>
	Rhaglen Waith y Pwyllgor	<p>Nodwyd y materion yw trafod gan y Pwyllgor yn ystod 2015/16 ar sail rhaglen waith y Pwyllgor ar gyfer y flwyddyn flaenorol ar sail 2014/15. Bydd y rhaglen waith yn cael ei ddiweddarau gan y Pwyllgor yn ystod 2016/17.</p>
23/3/2016	Panel Annibynnol Cymru ar gydnabyddiaeth ariannol - adroddiad blynyddol ar gyfer 2016/17	<p>Cyflwynwyd gwybodaeth ar benderfyniad Panel Annibynnol Cymru ar gydnabyddiaeth ariannol ynghylch lefelau lwfansau ar gyfer 2016/17. Gwnaed argymhellion gan y Pwyllgor ynglŷn â lefel tâl i Aelodau Pwyllgor Gwaith, Cadeiryddion Pwyllgorau a Chadeirydd ag Is-Gadeirydd y Cyngor. Bydd y Cyngor yn rhoi sylw i'r materion hyn ar 12fed Fai, 2016.</p>
	Sesiynau Cynefino ar gyfer Aelodau newydd 2017	<p>Cyflwynwyd fframwaith cychwynnol a baratowyd gan Gymdeithas Llywodraeth Leol Cymru ar gyfer Aelodau newydd yn dilyn etholiadau lleol yn 2017. Cyflwynwyd sylwadau ar y fframwaith i'r CLILC ar sail bod angen ystyried llwyth gwaith Aelodau wrth baratoi rhaglen hyfforddiant a'r cyfle hefyd i gael hyfforddiant trwy ddarpariaeth e-ddysgu. Bydd y fframwaith yn cael ei ddiweddarau ymhellach gan CLILC dros y misoedd nesaf a bydd angen adolygu rhaglen hyfforddiant y Cyngor wrth gynllunio i'r dyfodol.</p>
	Dyddiadur cyfarfodydd 2016/17	<p>Cyflwynwyd gwybodaeth fel rhan o'r adroddiad ynghylch amserlen pwyllgorau ar gyfer 2016/17 a hefyd y cyfle i'r Pwyllgor wneud sylwadau ar amser dechrau cyfarfodydd pwyllgorau craffu. Bydd y wybodaeth hon yn cael ei gyflwyno i'r Cyngor ar 12fed o Fai, 2016</p>

	Gwefannau Cyngorau Cymuned	Diben yr adroddiad hwn oedd diweddarau'r pwyllgor ar y sefyllfa ddiweddaraf o ran hawlio'r grant gan Gyngorau Tref a Chymuned. Cyflwynwyd gwybodaeth hefyd i'r Pwyllgor Safonau ar 9fed Fawrth, 2016
--	-------------------------------	--

3) Argymhelliad

Gofynnir i'r Cyngor Sir dderbyn yr adroddiad a nodi'r materion a drafodwyd gan y Pwyllgor yn 2015/16.

Cadeirydd y Pwyllgor Gwasanaethau Democraidd
26/04/2016